



UNIVERSITÄTS-
BIBLIOTHEK
PADERBORN

Universitätsbibliothek Paderborn

Explanatio In Psalmos

Complectens Psalmos à 51. ad 75

Bellarmino, Roberto Francesco Romolo <Heiliger>

Dusseldorpii, 1762

VD18 15558428-001

Psalmus LII.

[urn:nbn:de:hbz:466:1-53344](https://nbn-resolving.org/urn:nbn:de:hbz:466:1-53344)

PSALMUS LII.

Titulus: *In finem pro Macheleth intelligentia David.*

Per Macheleth veriùs videtur intelligi nomen proprium alicujus instrumenti musici.

Argumentum est deploratio generis humani : ideo enim fit mentio intelligentia David, quia per ipsum coarguenda erat cecitas, & insipientia generis humani.

¶ 1. *Dixit insipiens in corde suo, non est Deus.*

¶ 2. *Corrupti sunt, & abominabiles facti sunt in iniquitatibus suis, non est, qui faciat bonum.*

¶ 3. *Deus de celo prospexit, ut videat, si est intelligens, aut requirens Deum.*

¶ 4. *Omnes declinaverunt, simul inutiles facti sunt, non est, qui faciat bonum, non est usque ad unum.*

¶ 5. *Nonne scient omnes, qui operantur iniquitatem, qui devorant plebem meam, ut cibum panis.*

¶ 6. *Deum non invocaverunt, illic trepidaverunt timore, ubi non erat timor.*

¶ 7. *Quoniam Deus dissipavit ossa eorum, qui hominibus placent : confusi sunt, quoniam Deus sprevit eos.*

ψ. 8. *Quis dabit ex Sion salutare Israel? cum converterit Deus captivitatem plebis sue, exultabit Jacob, & letabitur Israel.*

Hic Psalmus idem ferè est cum Psalmo 13. indè igitur petenda explicatio: satis enim erit hic annotare utriusque diversitatem.

ψ. 1. 3. 4. & 6. Omnino idem est, nisi quòd ibi *Dominius*, hìc *Deus* dicatur.

ψ. 2. Hìc ait *in studiis*, ibi *in iniquitatibus*; sed idem est: studia enim illa sunt affectus, & desideria mala, quæ iniqua, seu iniquitates sunt.

ψ. 5., Qui ibi respondet octavo, hìc dicit, *nõnne scient*; ibi verò, *nõnne cognoscent*.

ψ. 5. v. 6. & 7. Psalmi 13., Hìc non habentur; sed, ut ibi dictum est, ad Psalmum propriè non pertinent.

ψ. 7., Qui respondet decimo, planè diversus est. Hìc dicitur ratio, cur impii trepidant inani timore, esse hæc, quia Deus debilitat omne robur eorum, ut etiam levissima quæque formident: id verò facit admirabili providentiâ suâ infatuando consilia eorum, impediendo conatus, & ad nihilum redigendo omnes machinationes eorum: ossa enim in S. Scripturis pro fortitudine passim accipiuntur. Addit: *qui hominibus placent, quia*

quia hi homines pleni sunt timore humano, seu mundano, & totum studium eorum est hominibus placere. Apostolus autem è contrario dicit : *Si hominibus placerem, Christi servus non essem.*

ψ. 8. Et ultimus cum ultimo ψ. Psalm. 13. idem est, nisi quod ibi dicatur Deus *averte*re, hìc *convertere* captivitatem ; sed sensus idem est. Deus avertit captivitatem, cùm eam tollit, quod fit, cùm captivis liberatis, captivitas esse desinit. Deus convertit captivitatem, dum captivos reducit in patriam. Demum cùm dicitur averti captivitas, sumitur captivitas pro formâ, h. e. pro ipsâ verâ captivitate : cùm dicitur converti captivitas, hæc sumitur pro personis, quæ erant captivæ.

PSALMUS LIII.

Titulus : *In finem in carminibus intellectus David, cùm venissent Ziphæi, & dixissent ad Saul, nonne David absconditus est apud nos ?*

Ex titulo colligitur Argumentum. Scribitur L. 1. Reg. C. 23. Ziphæos proditores fuisse Davidis, qui apud eos, tanquam apud amicos manens, declinabat persecutionem Saulis. Ipsi enim Sauli patefecerunt, Davidem apud se latere : Unde factum est, ut Saul cum maxi-